

四庫全書

子部

欽定四庫全書

子部  
玉海卷十三

詳校官中書臣程炎

主事臣祁韻士覆勘

總校官進士臣朱鈐

校對官編修臣吳省蘭

謄錄監生臣陳棻

欽定四庫全書

上海卷十三

律歷

改元

黃帝五始文

春秋正義春秋緯稱黃帝受圖有五始說公羊者云元  
者氣之始春者四時之始王者受命之始正月者政教

宋 王應麟 撰

之始公即位者一國之始春秋緯云黃帝坐於扈閭鳳  
凰銜書致帝前其中得五始之文謂此五事何休又云  
公即位者一國之始政莫大於正始故春秋以元之氣  
正天之端以天之端正王之政以王之政正諸侯之即  
位

文王改元

詩文王正義尚書運期授注云周文王以戊午節二十  
九年受命受命之月已是季秋至明年乃改元書序云

惟十有一年武王伐殷注云本文王受命而數之是年  
入戊午部四十歲矣以厯校之入戊午部二十九年歲  
在戊午其年殷九月二十五日得甲子明年乃改元則  
元年歲在己未是得赤雀之命後年改元之驗也

是類  
謀注

云入戊午部二十九年時赤雀銜丹書  
而命之 季秋之月甲子赤雀銜丹書

武成正義文

王斷虞芮之訟諸侯歸之改稱元年諸侯自於其國各  
稱元年是己之所稱容或中年得改汲冢周書魏惠王  
有後元年漢初文帝二元景帝三元此必有因於古也

漢改元

嘉瑞改元

見祥瑞

文帝十六年

史記十七年

九月得玉杯刻曰人主延壽明年

改元索隱曰按秦本紀惠文王十四年更為元年又汲

冢竹書魏惠王亦有後元當取法於此又按封禪書以

新垣平候日再中故改元也 武帝建元元年顏師古

曰年號起於此 封禪書後三年有司言元宜以天瑞

不宜以一二數一元曰建二元以長星曰光今郊得一

角獸曰狩云

劉貢父曰後三年蓋盡元狩六年至元鼎三年也然元鼎四年方得寶鼎無緣先三

年而稱之以此而言自元鼎以前之元皆有司所追命其實年號起元鼎故元封改元始有詔書矣 呂氏曰封禪書言天子封泰山反至甘泉有司言實鼎出為元鼎以今年為元封元年然則元鼎年號亦追改也

終軍傳對曰今郊祀未見於神祇而獲獸以饋宜因昭時

今日改定告元對奏由是改元為元狩

劉仲馮曰按紀獲麟在元狩元

年史記封禪書元鼎三年有司始言元不宜以一二數乃云三元曰狩蓋追述也

### 漢改元正歷

肅宗 賈逵傳陛下通天然之明建大聖之本改元正歷垂萬世則是以麟鳳百數嘉瑞雜還注改元謂改建

初九年為元和元年

八月癸酉詔

正厯謂元和二年始用四

分厯

二月甲寅

章帝時鳳凰見百三十九麒麟五十二白虎

二十九黃龍三十四神雀白燕等史官不可勝紀見東

觀記

陳湯傳耿育上書延壽湯係萬里難制之虜先

帝下明詔宣著有功改年垂厯傳之無窮應是南郡獻白

虎 元帝紀邊垂長無兵革之事其改元為竟寧

唐古今年號錄

志封演一卷

天寶末

書目一卷封演集并序以肅宗至



德代宗永泰乃陳後主齊明帝年號為失於考據遂起  
漢武建元至於唐纂為一卷 後蜀杜光庭撰古今類  
聚年號圖一卷自漢武元年辛丑至蜀乾德元年己卯  
凡一千五十九年歷一百八十九君改四百七號內六  
十號重出 崇文目年號歷一卷紀年錄一卷元類一  
卷

乾德郊祀改元

建隆四年十一月甲子郊祀改元乾德 六年十一月

二十四日郊陳告謝之儀改開寶興國九年十一月

二十一日郊改雍熙五年正月十七日藉田改端拱

景祐五年十一月十八日郊改寶元康定二年十

一月二十日郊改慶厯至和三年九月十二日恭謝

改嘉祐靖國元年十一月二十三日郊改崇寧乾

道元年正月一日郊祀改元

法乾德紀元之義

九年十一月九

日郊改淳熙

景德朝元殿受朝改元

見禮儀元會類

紀年通譜

書目十二卷參政宋庠撰以古今運歷之書凡十餘家  
皆無可采遂取十七代正史百家雜記凡正偽年號括  
為一書斷自漢文後元之戊寅下止周恭帝顯德之庚  
申凡一千二百二十二歲并本朝建隆之元至慶歷元  
年之辛巳合為十二卷其十八篇曰統元以甲子貫之  
其二篇曰類元 歷代紀元賦一卷大理丞楊備撰自

漢至五代別為宋頌四章 紹興中晁公邁撰歷代紀  
年十卷 紹熙五年八月侯望進古今年號錄五卷自  
漢建元至今一千三百三十五年正偽年號總八百三  
十八為字二百三十五

宋朝年號頌

天佑下民藝祖立極繇三而五建隆乾德開寶之九享  
國十七太宗之元改為興國八而改之雍熙乃復四而  
更之端拱乃續麟正二書淳化是易鳳紀五盼至道是

革至三而終二十四訖章聖續圖咸平凡六景德祥符  
四九其別天禧乾興五一其畢二紀仍睿仁皇嗣服天  
聖明道九二先及景祐寶元康定慶厯皇祐至和嘉祐  
之日曰四而二曰一而八曰五而二曰八而足四十一  
年政事修飭英皇治平四載善述神考之興聿新制作  
熙寧十更元豐八閱哲宗紹休元祐凡八紹聖元符四  
三其列十有五禊徽皇靖國崇觀政重宣和岌岌總其  
歷年五加二十靖康屯難高宗正域建炎紹興再立宗

祐四與三二紀凡三歷孝廟隆興乾道相襲二九之餘  
淳熙十六二十七春乾清坤謚光宗五稔紹熙駿適寧  
考慶元六更歲律泰禧四三嘉定十七三十年間不皇  
暇逸吾皇承統光增燕翼寶慶三改紹定六易端平嘉  
熙歷載凡七淳祐十二寶祐歲六開慶一禩景定更瑟

總論改元

漢武六年一改號自太初後四年一改孝昭亦六年一  
改孝宣四年一改孝元五年一改孝成四年一改

餘改  
號皆

不常

年號及十年已上不改者光武建武三十一孝明

永平十八孝和永元十六獻帝建安二十四蜀漢後主

建興十五延熙二十吳大帝赤烏十三晉武泰始十太

康十穆帝永和十二孝武太元二十一安帝義熙十四

宋文帝元嘉三十齊武建元十一梁武天監十八大同

十一陳宣大建十四魏昭成

代稱

建國三十九道武登國

十太武真君十一孝文太和二十三西魏文帝大統十

七隋文開皇二十煬帝大業十三唐太宗貞觀二十三

玄宗開元二十九天寶十四代宗大厯十四德宗貞元  
二十一憲宗元和十四宣宗大中十三懿宗咸通十四  
春秋正義漢魏以來雖秋冬改元史於春夏即以元年  
冠之是有因於古也元者氣之本也善之長也人君執  
大本長庶物欲其與元同體故年稱元也諸侯於其封  
內各得改元傳說鄭國之事云僖之元年簡之元年是  
諸侯皆改元非獨魯也隋志道經有延康赤明龍漢  
開皇是其年號春秋後傳惟王者改元諸侯改元自



汾王以前未有也晉竹書曲沃莊伯十一年十一月  
則用夏正為歲首而秦譜至宣公初志閏月不惟改  
元又改歷矣書正義顧氏云殷家猶質踰月即改  
元年以明世異不待正月以為首也郎顗曰仲終  
季始歷運變改故可改元所以順天道也文中子  
曰改元立號非古也其於彼心自作之乎舜典紀  
元日商訓稱元祀春秋書元年人君之元即乾坤之  
元也大哉乾元萬物資始天之用也至哉坤元萬物

資生地之用也成位乎其中則與天地參元即仁也  
仁人心也衆非元后何戴后體元則仁覆天下矣即  
位之一年必稱元年案數雖久而不易戰國而下此  
義不明秦惠文王十四年更為元年汲冢竹書魏惠  
王有後元始變謂一為元之制漢文帝十有六年惑  
方士說改後元年景帝因之壬辰改中元戊戌改後  
元猶未以號紀年也武帝因事建號一元曰建二元  
以長星曰光六年而更始曰朔郊得一角獸曰狩顏

氏謂年號起建元劉氏据封禪書謂起元鼎呂氏  
謂元鼎亦追改也元封改元始有詔曰登封泰山  
至于梁父然後升壇肅然自新嘉與士大夫更始  
其以十月為元封元年及征和之後復改後元年  
於是武帝厭改元矣歷代襲沿或五六年或三四  
年或一歲再更或一歲三號一歲四號記注繁蕪  
莫之勝載哀帝以建平二年為太初元將見于王  
莽傳世祖以建武三十二年為建武中元見于續

漢志而本紀削二字梁之大同大通俱有中字亦  
憲章於建武也經載十二年名不易陳壽以美  
諸葛武侯間有復古號為元年如魏廢帝恭帝周  
閔帝明帝唐肅宗未幾仍舊蓋春秋之義不明久  
矣即位踰年改元古制也劉禪孫亮石弘符生李  
景未踰年而改元以議為晉惠帝改武帝太熙為  
永熙謂欲長奉先皇之制亦非也議者以為違春  
秋踰年書即位之義今史官沒之明年正月復改

年唐順宗以貞元二十一年正月嗣位至八月改  
永貞蓋已稱太上皇嫌於獨無紀年故亟更之太  
平興國之改元不俟踰年史臣謂與常例不同又  
有踰年而不改元者唐中宗仍武后神龍代宗繼  
寶應至七月梁末帝追承乾化晉少帝襲天福至  
九年孟昶仍父明德漢高祖追用晉天福隱帝仍  
父乾祐周世宗仍太祖顯德皆非禮之正唐哀帝  
仍昭宗天祐蓋畏朱溫而不敢云漢獻除光熹昭

寧永漢梁元帝黜大寶梁末帝黜鳳厯諺曰繼故  
晉惠後改永安漢高祖黜開運最為無謂自唐德

宗慨想貞觀開元之盛改貞元以法二祖

紀元用  
先代名

始於唐德宗貞元合貞觀  
開元之名用李泌之言

我朝因之若淳熙慶元開

禧之類是也元祐之號或謂並用元豐嘉祐而有

對鈞之談隆興欲隆紹興之治紹熙將紹淳熙之

政詞臣草詔乃合建隆紹興及紹興淳熙為義非

初意矣夫歷世無窮而美名有盡於是有離合之

識有重複之嫌如永昌隆昌為二日大亨為一人  
二月了天正為二人一年而止天保為一大人只  
十隆化為降死德昌為得二日宣政為宇文亡日  
大象為天子豕廣運為軍走大業為大苦末廣明  
為唐去丑口而著黃家日月大平為一人六十咸  
字人口有戈宣和為一家有二日靖康為立十二  
月康建炎為兩火此離合之讖也災興應司馬氏  
之名升平有不滿斗之謠大足若數足而則天改之

天元為周號昌字乃二日而李泌議之成字負戈  
美者犬羊亨為子不成而神宗避之隆興近正隆  
純熙旁作屯而孝宗更之治平或謂火德不宜用  
水康定靖康或謂其如諡法天聖於文為二人明  
道於文為日月並蓋以母后之臨朝也乾道九年  
而改謂用九之數已極純熙之易為淳避告成大  
武之語發號告元其謹始如此乃若晉建興同孫  
劉之號唐至德永泰襲陳齊之舊晉惠六同漢號



一用吳號漢哀之太初晉元之建武魏孝武之永興唐肅宗之上元皆自重一代之號乾德蜀號也因宮人鑑背而後知隆興偽號也因曾布日錄而後見建中靖國之紀元曾肇以唐建中為疑欲改建字為執字任伯雨亦以唐為戒而徽宗謂梁末禪位年號太平太宗不以為嫌重和犯契丹重熙之稱一年而亟改高孝欲用炎興乾統以劉蜀契丹已用而更議此重複之嫌也至和三年而改以至

道末年為忌熙寧崇寧或云同劉宋陵名宣和或云契丹宮門名其避忌又不止於重複矣然晉有立始長順之筮唐有元和咸通之兆我朝有重火之讖是亦有數存焉若文王以受命之年為元年緯書之說也文王不宜改元而又改元武王宜改元而不改元歐陽子嘗辯其妄矣道家有延康赤明龍漢開皇之紀上皇無極永壽之號事不經見云

歷代年號

元

後元

魏惠王 漢文帝 景帝  
武帝或曰征和後元

中元

漢景帝 光武  
或曰建武中元

建元

漢武帝 晉康帝 齊高  
帝 漢劉聰 秦苻堅

始元

漢昭  
帝

初元

漢元  
帝

正元

魏高貴  
鄉公

景元

魏元  
帝

永元

漢和帝 齊東  
昏侯 涼張茂

太元

晉孝武 吳孫  
權 涼張駿

上元

唐高宗  
肅宗

興元

唐德宗

貞元

唐德宗  
金海陵王

乾元

唐肅宗

開元

唐玄宗

燕元

燕慕容垂

昇元

唐李昇

寶元

仁宗

慶元

寧宗

建武中元

漢光武

中元克復

唐燕王重福

元光

漢武帝  
昌王渾

秦竇衡  
金宣宗

武

元朔

漢武帝

元狩

漢武帝

元鼎

漢武帝

元封

漢武帝

元鳳

漢昭帝

元平

漢昭帝

元康

漢宣帝  
晉惠帝

元延

漢成帝  
殤帝

元壽

漢哀帝

元始

漢平帝

元和

漢章帝  
唐憲宗

元初

漢安帝

元興

漢和帝  
吳孫皓

晉安帝  
定安國

元嘉

漢桓帝  
宋文帝

元熙

晉恭帝  
漢劉淵

元徽

宋蒼梧王昱

元璽

燕慕容  
容雋

元象

東魏靜帝

元慶

唐德宗  
不用

元豐

神宗

元祐哲宗

元符哲宗

太初元將漢哀帝

天

天漢漢武帝  
蜀王建

天鳳王莽

天監梁武帝

天嘉陳文帝

天康陳文帝  
晉桓謙

天賜魏道武帝

天興魏道武帝  
劉武周  
金哀宗  
蒙國斯

天建後魏莫折念生

天安魏顯祖  
桓謙

天啟

魏元法僧  
梁永嘉王莊

天平

東魏  
靜帝

天保

齊顯祖  
梁世宗歸

天統

後魏邢杲  
齊溫公緯

天和

周高祖  
安慶緒

天復

唐昭宗

天寶

唐玄宗  
吳越錢鏐

天祐

唐昭宗或曰  
天順金國

天授

北魏劉劼  
唐武后西夏元昊

天冊

吳孫皓  
董昌或云順天或曰大聖

天璽

吳孫皓  
北涼段業

天紀

吳孫皓

天福

晉高祖

天明

輔公祏

天皇

朱泚

天曆

倭國

天壽

唐濮王 隋秦王 浩

天成

楚林士弘 梁貞陽侯淵明 後唐明宗 安慶緒 高開道

天贊

契丹 太祖

天顯

契丹 太宗

天祿

契丹 世宗

天嗣

蕭幹

天會

北漢 劉承鈞 金太宗

天眷

金熙宗

天輔

金太祖

天慶

遼天祚帝 倭國

天元

日本 唐德宗 不用

天祚

吳楊溥

天德

殷王延政 交趾 李賁 金海陵王

天造

漢東劉黑闥

天正

梁豫章王棟 武陵王紀

天順

唐昭宗紀云天祐 遼國或曰順天



天戰

陳萬

天禧

真宗

天聖

仁宗

天冊萬歲

唐武后

天平勝寶

日本

天瑞景星

南詔

天貺寶象

交趾李日尊

先天

唐睿宗

保天

大理

光天

蜀王建南漢劉玢

順天

郝儀史思明董昌

應天

史思明朱泚劉守光

萬歲通天

唐武后

仁

仁壽

隋文帝

仁安

渤海

仁平

日本

神

神爵

漢宣帝 宋孝武  
不用或云神雀

神麇

後魏  
世祖

神龜

後魏  
肅宗

神瑞

後魏  
太宗

神鼎

涼呂  
隆

神璽

涼段  
業

神鳳

晉劉尼  
吳孫權

神功

唐武  
后

神龍

唐中  
宗

神獸

後魏  
侯醜奴

神冊

契丹太祖

神嘉

山胡劉  
彝升

神武

交趾李  
日尊

乾

乾明

北齊廢帝

乾封

唐高宗

乾符

唐僖宗

乾寧

唐昭宗

乾化

梁太祖

乾元

上

乾祐

漢高祖  
夏國

乾亨

南漢劉巖  
契丹明記

乾和

南漢劉晟

乾統

遼天祚帝

乾貞

吳楊溥  
自祀

乾興

真宗

乾德

輔公祐  
蜀王衍  
太祖

乾道

孝宗

乾淳

理宗  
不用

通乾

唐高宗以反  
語不善停

應乾

南漢  
劉晟

開

開皇

道經  
文帝  
隋

開元

上

開耀

唐高  
宗

開成

唐文  
宗

開平

梁太  
祖

開運

晉少帝  
西夏元昊

開泰

契丹  
聖宗

開明

鄭王  
世充

開寶

太祖

開禧

寧宗

開興

理宗  
不用  
金哀宗

開慶

理宗

咸

咸熙

魏元  
帝

咸寧

晉武帝  
涼呂纂

咸和

晉成帝  
海王  
彝震  
勃

咸康

晉成帝  
蜀王  
衍

咸安

晉簡  
文

咸亨

唐高  
宗

咸通

唐懿  
宗

咸平

真宗

咸雍

遼道宗

咸淳

度宗

延

延光

漢安帝

延平

漢瑒帝  
燕慕容麟

延熹

漢桓帝

延康

魏道經  
漢獻帝  
沈法興

延熙

蜀漢後主  
趙石弘

延初

秦苻崇

延和

魏世祖  
唐睿宗

延興

魏高祖  
齊海陵王

延昌

魏世宗

延載

唐武后

延厯

日本

延祥

高麗

天授理法延祚

元昊  
西夏

元延

上

太延

魏世祖

永延

日本

長

長壽

唐武后

長安

唐武后

長慶

唐穆宗

長樂

燕慕容威

長興

唐明宗

皇

皇始

秦苻健  
魏道武

皇初

秦姚興

皇興

祖魏顯

皇泰

王隋越

皇統

宗金熙

皇建

肅北齊宗

皇祐

仁宗

地皇

王莽

上皇

道經

和

征和

帝漢武

綏和

帝漢成

元和

上

章和

帝漢章

永和

晉漢順帝

秦姚泓  
閔王麟

建和

涼漢桓帝  
利鹿孤南



光和

漢靈帝

太和

魏明帝 晉廢帝 後魏高祖 蜀李勢 趙石勒

大和

唐文宗 吳楊溥

景和

宋廢帝 子業

咸和

上

隆和

晉哀帝 或曰崇和

中和

唐僖宗

義和

涼沮渠蒙遜

永和

涼沮渠牧犍

興和

東魏靜帝

天和

上

乾和

上

延和

上

至和

仁宗

政和

徽宗

重和

徽宗 契丹

宣和徽宗

泰和金章宗

統和契丹聖宗

保和南詔

和平漢桓帝涼張祚後魏高宗

光

元光上

永光漢元帝宋廢帝子業

建光漢安帝魏崔遼

延光上

始光後魏世祖

興光魏高宗

正光魏肅宗

壽光秦苻生

承光

齊幼主  
赫連昌

夏

勝光

夏赫  
連定

同光

唐莊  
宗

光和

上

光熙

晉惠  
帝

光大

陳臨海  
王伯宗

光興

漢劉  
聰

光壽

燕慕容  
皝

光始

燕慕容  
皝

光初

漢劉  
曜

光熹

漢少  
帝

光宅

唐武  
后

光啟

唐僖  
宗

光化

唐昭  
宗

光天

上

光定

西夏

興

元興

上

長興

上

永興

漢桓帝  
魏冉閔

晉惠帝  
後魏太宗

秦苻堅  
孝武帝

建興

漢後主  
李雄

吳孫亮  
燕慕容垂

晉愍帝  
成渤海王仁秀

太興

晉元帝  
燕馮弘

大興

渤海王  
欽茂

漢興

漢李壽

燕興

慕容泓

秦興

薛舉或  
曰秦興

光興

上

中興

齊和帝  
定王

燕慕容永  
渤海

南詔

唐李景

後魏安

炎興

漢後主  
高宗不用

天興

上

皇興

上

延興

上

嘉興

涼李  
歆

真興

夏赫連  
勃勃

始興

隋操師乞一云襟  
天成高開道

更興

後魏汝  
南王悅

魯興

後魏鮮  
于修禮

龍興

公孫述  
李子揚

趙諡  
侯子光

乾興

真宗

紹興

高宗

隆興

孝宗或云趙  
諡將建此號

開興

上

德興

契丹  
蕭后

崇興大寶

南詔

興平

漢獻帝  
齊唐寓之

興寧

晉哀帝

興元

上

興安

後魏  
高宗

興光

上

太平興國

太宗

平

元平

上

河平

漢成帝

建平

漢哀帝 趙石勒  
後魏京兆王愉

燕慕容德

慕容盛

慕容

永平

漢明帝 晉惠帝  
後魏世宗 李密 蜀王建

和平

上

熹平

漢靈帝

中平

漢靈帝

初平

漢獻帝

興平

上

升平

晉穆帝

嘉平

魏邵陵公  
劉聰 涼僭擅

景平

宋少帝  
義符

仁平

上

延平

上

太平

梁敬帝 吳孫亮  
馮跋 唐林士弘 燕契

丹隆緒  
晉趙厥

柔然

李婆備

晏平

成李雄

正平

魏世祖 梁  
臨賀王 正德

熙平

魏肅宗

天平

上

武平

齊溫公緯  
范陽王 紹義

開平

上

丑平

郭子和

清平

夏國

昌平

燕段隨

石平

稽胡劉  
沒鐸

承平

後魏南  
安王余

羅平

裴甫  
僧王  
法思  
李接

始平

桑然

咸平

真宗

治平

英宗

端平

理宗

經平

理宗  
不用

太平興國

上

太平真君

後魏  
世祖

平都

汾胡王  
巨觸

平趙

晉巴首句渠  
知自稱大秦

平成

神宗  
不用



熙

咸熙

上

太熙

晉武帝

光熙

上

義熙

晉安帝

元熙

上

延熙

上

建熙

燕慕容容暉

永熙

晉惠帝 魏孝武帝 後

雍熙

太宗

淳熙

孝宗

紹熙

光宗

嘉熙

理宗

重熙

契丹宗真 或曰重和

純熙

孝宗 不用

熙平

後魏宣武帝

熙寧

神宗

寧

竟寧

漢元帝

建寧

漢靈帝

永寧

漢安帝 晉惠帝 趙石祗

咸寧

上

義寧

隋恭帝

太寧

晉明帝 北齊世祖 趙石虎 交趾李乾德

大寧

宋武帝

興寧

上

乾寧

上

嘉寧

蜀李勢

保寧

契丹明記

昭寧

漢少帝 辯

清寧

梁丹  
洪基

熙寧

上

崇寧

徽宗

至寧

金衛  
王

寧康

晉烈  
宗

初

太初

漢武帝  
涼光髮烏孤  
哀帝重號始此  
秦苻登  
宋元凶劼

建初

漢章帝  
秦姚萇  
成李特  
涼李暠

永初

漢安帝  
宋高祖

元初

上

本初

漢質  
帝

黃初

魏文  
帝

景初

魏明  
帝

光初上

延初上

皇初上

載初唐武后安慶緒

廣初吳越錢鏐

初元上

初平上

初始王莽或曰始初荀紀嘉號錄紀年通譜皆作

初始

太初元將上

嘉

鴻嘉漢成帝

陽嘉漢順帝

永嘉漢冲帝晉懷帝大理

元嘉上

天嘉

上

麟嘉

漢劉聰  
涼呂光

義嘉

宋晉安  
王子勛

神嘉

上

嘉平

上

嘉禾

吳孫  
權

嘉寧

上

嘉興

上

嘉祐

仁宗

嘉泰

寧宗

嘉定

寧宗

嘉熙

上

彰聖嘉慶

交趾

龍

卷十三  
黃龍

漢宣帝  
吳孫  
權  
梁段子璋

青龍

魏明帝  
燕  
汗  
趙石鑒

白龍

南漢  
劉龔

黑龍

蜀張育

神龍

唐中宗

景龍

唐睿宗

龍漢

道經

龍朔

唐高宗

龍紀

唐昭宗

龍飛

涼呂光

龍昇

夏赫連勃勃

龍德

梁均王

龍啟

閩王  
鱗

龍興

上

安

漢安

漢順帝

建安

漢獻帝

大安

涼呂光  
遼道宗  
金衛王

太安

晉惠帝  
秦苻丕  
後魏高宗  
柔然

隆安

晉安帝  
或曰崇安

咸安

上

仁安

上

廣安

後魏  
葛榮

永安

吳孫休  
後魏敬宗  
涼沮渠蒙遜  
張寔

長安

上

政安

南詔

承安

金章宗

安樂

涼李軌

隆

隆和 上

隆安 上

隆緒 齊蕭  
寶寅

隆化 齊後  
主緯

隆興 上

隆昌 齊鬱林  
王昭業

永隆 唐高宗  
延曦

唐隆 唐殤帝或曰唐  
元唐安唐興

建隆 太祖

正隆 金海  
陵王

道隆 大理  
國

康

康定 仁宗

康保 日本



永康

漢桓帝 晉惠帝

燕慕容  
柔然

建康

漢順帝 晉  
南陽王保

太康

晉武帝  
全國

元康

上

延康

上

咸康

上

寧康

上

天康

上

大康

遼道  
宗

靖康

欽宗

明

赤明

道經

大明

宋孝  
武

昇明

宋順帝

文明

梁簡文不用

永明

齊武帝

承明

後魏孝文

景明

後魏世宗

聖明

後魏陳瞻

建明

後魏東海王暕  
呂苟兒  
燕慕容顗

禎明

陳後主

貞明

梁均王南詔

廣明

唐僖宗

開明

上

明統

南詔或曰明侯

明聖

南詔

明政

李子通

明昌

金章宗

明道

仁宗元昊稱顯道

明受

元懿太子  
子孝

明慶

唐高宗顯慶  
或曰明慶

明德

元懿太子不用  
蜀孟知祥

昌

昌武

夏赫連  
勃勃

昌達

朱粲

昌平

上

延昌

上

明昌

上

永昌

晉元帝  
唐武后

孝昌

後魏  
肅宗

隆昌

上

弘昌

涼傳  
檀

德昌

齊安德  
王延宗

壽昌

契丹  
洪基

太昌

後魏孝武  
一作大昌

阜昌

偽齊  
劉豫

漢昌

漢劉  
粲

建昌

秦張琚  
柔然

盛昌

金國

通

普通

梁武  
帝

大通

梁武  
帝

中大通

梁武  
帝

咸通

唐懿  
宗

進通

唐王  
摩沙

萬通

蜀紀  
叢帝

通聖

曹武  
徽

通正

蜀王  
建

通文

祖 閔王

通乾  
上

萬歲通天  
上

符

乾符  
上

元符  
上

大中祥符  
真宗

宣

宣政

祖 周高

宣和  
上

承

承聖

梁元帝

承光

上

承明

上

承玄

涼沮渠蒙通

承平

上

承和

上

承安

金主璟

貞明承智大同

南詔

陽

陽朔

漢成帝

陽嘉

上

更

更始

漢劉聖公秦乞伏  
乾歸燕慕容冲

更興

上

章

章和

上

章武

漢昭烈帝

總章

唐高宗

麟

麟嘉

上

麟德

唐高宗

文

文德

唐僖宗

文明

上

文治

日本或曰治  
樣大理

通文

上

河

河平

上

河清

祖齊世

河瑞

漢劉淵

庚

庚子

涼李騭

庚戌

楊么

王

王霸

黃巢

真王

後魏杜洛周破六韓拔陵

大天聖王

楊么



登

登國

後魏  
道武

萬歲登封

唐武  
后

同

同光

上

同慶

于闐

大同

梁武帝  
南詔

中大同

梁武  
帝

會同

契丹  
德光

豐

元豐

上

正豐

高麗

豐享

神宗  
不用

重

重熙

上

重和

上

重德

廖森

貞

貞觀

唐太宗

貞元

上

貞明

上

永貞

唐順宗  
襄王煚

乾貞

上

建貞

唐襄  
王煜

利貞 大理

君

聖君

後魏司馬小君

太平真君

後魏世祖

成

天成

上

武成

字文周世宗 蜀王建 李希烈

開成

上

平成

上

美成

神宗不用

大成

周宣帝

端

端拱

太宗

端懿

僊智高

弘

弘道

唐高宗

弘始

秦姚興

弘昌

上

寬弘

日本

永弘

秦乞伏暮末

建弘

秦乞伏熾盤

淳

淳化

太宗

淳熙

上

淳祐

理宗

永淳

唐高宗

乾淳<sub>上</sub>

咸淳<sub>上</sub>

清

太清

<sub>梁武帝  
涼張天錫</sub>

河清<sub>上</sub>

清泰

<sub>後唐  
潞王</sub>

清寧<sub>上</sub>

清平<sub>上</sub>

中

中元<sub>上</sub>

中平<sub>上</sub>

中興<sub>上</sub>

中和<sub>上</sub>

大中

唐宣宗

建中

唐德宗

大中祥符

上

建中靖國

徽宗

執中靖國

徽宗  
不用

中元克復

上

亨

大亨

桓玄

咸亨

上

乾亨

上

豐亨

上

永

永光

上

永始

漢成帝  
楚桓玄

永平  
上

永元  
上

永初  
上

永寧  
上

永建  
漢順帝  
涼李恂

永漢  
漢獻帝  
梁劉敬躬

永嘉  
上

永和  
上

永興  
上

永壽  
道經  
漢桓帝

永昌  
上

永康  
上

永明  
上

永泰  
齊明帝  
唐代宗

永弘  
上

永鳳  
漢劉  
淵

永厯

日本

永安

上

永熙

上

永延

上

永定

陳武帝

永徽

唐高宗

永隆

上

永淳

上

永貞

上

永然

日本

永德

渤海王元瑜

永樂

涼張重華方臘張遇賢

景

景初

上

景元

上



景雲

唐睿宗

景平

上

景明

上

景龍

上

景耀

漢後主

景福

唐昭宗  
契丹興宗

景和

上

景德

真宗

景祐

仁宗

景瑞

僖宗  
高

景定

理宗

天瑞景星

上

廣

廣德

唐代宗

廣明

上

廣運

梁蕭琮  
吳北漢劉繼元

廣順

周太祖

廣政

蜀孟昶

廣安

上

廣禧

夏國

寶

寶應

唐肅宗

寶厯

唐敬宗

寶鼎

吳孫皓

寶正

吳越錢鏐

寶勝

唐袁晁

寶龜

日本

寶象

交趾李日尊

寶大

吳越錢鏐  
或曰寶太

寶元

仁宗

寶慶

理宗

寶祐

理宗

大寶

梁簡文帝  
南漢  
劉鋹  
日本

天寶

上

開寶

上

天平勝寶

上

崇興大寶

上

武

武德

唐高祖

武成

上

武平

上

武定

東魏  
靜帝

武義

吳楊  
隆演

武泰

後魏  
肅宗

神武上

昌武上

建武

漢光武

晉元帝

成都王

穎齊

明帝

趙

石虎

慕容忠

魏元顥

章武

漢昭烈

黃武

吳孫權

聖武

山安祿

紹

紹泰

梁敬帝

紹漢

湘公孫

紹聖

哲宗

紹興

上

紹熙

上

紹定

理宗

始

太始

漢武帝

涼張玄靚

秦始

晉武帝

宋明帝

趙廣

永始

上

初始

上

元始

上

更始

上

建始

漢成帝

晉趙王倫

桓

正始

魏邵陵公

後魏

皇始

上

光始

上

弘始

上

玄始

涼沮渠

始元

上

始光

上

始初

上

始興

上

始平

上

始建國

王莽

道

弘道

上

至道

太宗

明道

上

元昊  
稱顯道

乾道

上

道隆

上

拱

垂拱

唐武后

端拱

上

拱化

西夏

統

金統

黃巢

皇統

上

天統

上

乾統

上

明統

上

大統

後魏文帝

統和

上

保

保定

周高祖

保大

李景遼天祚帝

保寧

上

保和

上

應保

日本

康保

上

天保

上

久

久視

唐武后

建

建元

上

建昭

漢元帝



建始  
上

建平  
上

建國  
王莽代  
什翼犍

建光  
上

建武  
上

建初  
上

建康  
上

建和  
上

建寧  
上

建安  
上

建興  
上

建貞  
上

建昌  
上

建衡  
吳孫  
皓

建明  
上

建弘  
上

建義

秦乞伏國仁  
後魏敬宗

氏楊難當  
齊雍道晞

建德

周高祖

建福

契丹  
淳

建中

上

建極

南詔首龍  
或曰建樞

建世

漢劉盆子

建熙

上

建隆

上

建炎

高宗

建中靖國

上

永建

上

皇建

上

太建

陳宣帝

孝建

宋孝武

太

太初

上

太始

上

太和

上

太康

上

太熙

上

太安

上

太武

雄  
蜀李

太興

上

太寧

上

太元

上

太清

上

太平

上

太昌

上

太建

上

太延

上

太上

燕慕容超

太極

唐睿宗

太寶

日本

太亥

雜記俳諧丈

太平興國

上

太平真君

上

大

大通

上

中大通

上

大同

上

中大同

上

大業

隋煬帝

大昌

上

大統

上

大定

後梁中宗  
金世宗

大寶

上

大明

上

大象

周靜  
帝

大世

隋劉  
迦論

大厯

唐代  
宗

大中

上

大順

唐昭  
宗

大和

上

大成

上

大安

上

大興

上

大亨

上

大足

唐武  
后

大有

南漢  
劉龔

大寧

上

大慶

西夏元昊  
金國

大康

上

大觀

徽宗

大美

雜記

大德

夏國  
乾順

大聖

董昌

大中祥符

上

大天聖王

上

貞明承智大同

上

光大

上

保大

上

正大

金哀  
宗

鳳

五鳳

漢宣帝 吳孫亮 實建德

天鳳

上

儀鳳

唐高宗

永鳳

上

神鳳

上

鳴鳳

梁蕭銑或曰鳳鳴

鳳凰

吳孫皓 涼張大豫 晉李弘

鳳翔

夏赫連勃勃

鳳歷

梁朱友珪

祐

乾祐

上

天祐

上

景祐

上

皇祐

上

嘉祐上

元祐上

淳祐上

寶祐上

貞祐金宣宗

慶祐欽宗不用

闕

壽

元壽上

光壽上

永壽上

仁壽上

長壽上



壽光 上

壽昌 上

泰

永泰 上

紹泰 上

清泰 上

彛泰 吐蕃

交泰 南唐  
李景

開泰 上

皇泰 上

武泰 上

普泰 魏節  
閔帝

嘉泰 上

泰始 上

泰常 後魏  
太宗

泰豫

宋明帝

泰和上

泰興

上

化

光化

上

乾化

上

隆化

上

淳化

上

拱化

西夏

化順

王均

慶

顯慶

唐高宗或曰明慶

長慶

上

同慶

上

大慶

上

天慶

上

崇慶

金衛  
王

開慶

上

寶慶

上

慶厯

仁宗

慶元

上

慶祐

上

彰聖嘉慶

上

聖

承聖

上

紹聖

上

明聖

上

天聖

上

通聖

上

嗣聖

唐中宗

得聖

王則

大聖

上

顯聖

史朝義

證聖

唐武后

聖厯

唐武后

聖武

上

聖明

上

聖君

上

彰聖嘉慶

上

地

地節

漢宣帝

地皇

上

露

甘露

漢宣帝 魏高貴鄉公  
吳孫皓 秦苻堅

調露

唐高宗

觀

貞觀

上

大觀

上

義

順義

吳楊  
薄

武義

上

建義

上

定

永定

上

武定

上

大定

上

保定

上

康定

上

嘉定

上

紹定

上

景定

上

光定

上

定鼎

翟釗

政

宣政

上

明政

上

廣政

上

越政

大理

政和

上

政安

上

正

正始

上

正元

上

正平

上

正光

上

正大

上

正隆

上

正豐

上

正厯

渤海王  
嵩隣

正法

李合戎  
雷進

通正

上

利正

大理國

乾正

楊薄即  
乾貞

會

會同

上

會昌

上

天會

上

上

上元

上

上願

梁鮮  
于琮

上皇

上

太上

上

順



應順

後唐愍帝  
契丹

化順

王均

大順

上

廣順

上

天順

上

順天

上

順義

上

孝

孝基

後魏  
元顥

孝昌

上

孝建

上

漢

欽定四庫全書

漢復

阮莠

漢興

上

漢安

上

漢昌

上

永漢

上

紹漢

上

龍漢

上

運

開運

上

廣運

上

應運

李順

治

治平<sub>上</sub>

文治<sub>上</sub>

歲

萬歲通天<sub>上</sub>

萬歲登封<sub>上</sub>

天冊萬歲<sub>上</sub>

德

武德<sub>上</sub>

麟德<sub>上</sub>

廣德<sub>上</sub>

至德<sub>陳後主  
唐肅宗</sub>

文德<sub>上</sub>

龍德<sub>上</sub>

欽定四庫全書

玉海  
卷十三

明德上

天德上

顯德周世宗

乾德上

重德上

建德上

景德上

德勝王則一作得聖

德昌上

德興上

厯

聖厯上

大厯上

天厯上

鳳厯上

應厯

契丹  
述律

正厯

上

啟厯

儂智  
高

延厯

上

慶厯

上

國

建國

上

登國

上

昇國

唐袁  
晁

收國

金太祖  
或曰契丹

始建國

上

太平興國

上

建中靖國

上

朔

元朔

上

陽朔

上

龍朔

上

玉

玉衡

蜀李雄

玉恒

蜀李期

白

白鳥

隋向海明

白龜

日本

白龍

上

白雉

日本

白雀 秦姚  
萇

赤

赤鳥 吳孫  
權

赤明 上

雀

白雀 上

朱雀 渤海王  
言義

神雀 上

法

法輪 高曇  
晟

正法

上

天授理法延祚

上或曰  
禮法

樂

安樂

上

永樂

上

長樂

上

極

太極

上

建極

上

無極

道經

補遺



居攝

王莽

人和

雷進

如意

唐武后

丁丑

寶建德



玉海卷十三

謹案元祀肇於商書年號建於漢代至於泰否之  
幾繫乎君德德修則昌不修則替非以年號兆其  
盛衰也且建元當踐阼之初君德之克修與否皆  
未可知而王應麟乃謂建元有離合之識分析其  
大指為咎徵使幸災樂禍狂愚不得志之徒由此  
妄生傳會逞邪說以惑世誣民實是說有以啓之  
也應麟記醜學博不知持擇所著書醇疵參半如  
困學紀聞引史證易謂陳完之奔齊為亡齊者已

至漢宣帝時匈奴來朝而王政君已在太子宫唐  
太宗即位而武氏已生於前二年宋藝祖二年女  
真來貢而宣和之禍乃作於女真其言穿鑿不足  
信伏讀

御製讀王應麟困學紀聞篇云智者必鄙而謂誕愚者  
將忽而不省實洞鑒其支離而此卷之論建元則  
尤入於識緯不經復蒙

聖明指示駁其紕繆所以息邪說正人心者至深且遠

洵足垂教萬世豈徒砭應麟一人之失已哉謹遵

旨加案如右

[illegible]

欽定四庫全書

子部  
玉海卷十四

詳校官中書<sub>臣</sub>程炎

主事<sub>臣</sub>祁韻士覆勘

總校官進士<sub>臣</sub>朱鈴

校對官編修<sub>臣</sub>朱攸

謄錄監生<sub>臣</sub>勵世馨

欽定四庫全書

玉海卷十四

地理

地理圖

神農地形圖

春秋元命包神農世白阜圖地形脉道

注

白阜為神農

圖畫地形通水道之脉

類聚引神農書曰湛濁為地

宋 王應麟 撰



黃帝九州圖

太平御覽太一式占周公城名錄曰

通志周公城名錄一卷隋志太一式

雜占十卷

黃帝受命風后受圖割地布九州置十二圖

又見職錄

河圖括地象八極之廣東西二億三萬三千里南北

二億三萬一千五百里夏禹所治四海內地東西二萬

八千里南北二萬六千里天有九道地有九州 王逸

九思懿風后兮受瑞圖 賈誼新書黃帝濟東海入江

內取綵圖 史記黃帝東至於海登凡山及岱宗西至

於空桐登雞頭南至於江登熊湘北逐葷粥合符釜山而邑於涿鹿之阿 吳越春秋禹案黃帝中經

舜益地圖

帝王世紀西王母慕舜德來獻白環及玦并貢益地圖

初學記

書帝驗期西王母於大荒之國得益地圖慕舜

德遠來獻之 集仙錄黃帝在位王母遣使乘白鹿集

帝庭授以地圖舜在位遣使獻白玉環及益地圖遂廣

黃帝九州為十二州又獻玉琯吹之以和八風 馬融

云禹平水土置九州舜以冀州之北廣大分置并州燕齊遼遠分燕置幽州分齊為營州書正義舜攝位元年九州始畢當是二年之後以境界太遠始別置之禹還置九州漢賈捐之曰堯舜禹三聖之德地方不過數千里

禹山川圖

見後左傳注

禹九州圖

述異記魯班石為禹九州圖今在格城石室山東北岩  
中 帝王世紀禹觀於河始受圖括地象也圖言治水  
之意 尚書刑德放曰禹長於地理得括地象圖堯以  
為司空 孝經援神契九州凡九百十萬八千二十四  
頃礪确不墾者千五百萬二千頃

周山川圖

詩周頌般於皇時周陟其高山隕山喬嶽允猶翕河箋  
云猶圖也皆信案山川之圖而次序祭之河自大陸之

北數為九祭合為一正義山川共為一圖望秩山川則案圖其餘衆川皆案圖祭之

又見五服

### 周職方圖

禮職方氏

中大夫四人下大夫八中士十六主四方職貢

掌天下之圖辨邦國

都鄙四夷八蠻七閩九貉五戎六狄之人民與財用九穀六畜之數要周知利害辨九州之國使同貫利東南曰揚州山會稽澤具區川三江浸五湖其利金錫竹箭穀宜稻正南曰荊州山衡澤雲夢川江漢浸潁湛其利

丹銀齒草穀宜稻河南之豫則華山圃田滎維波漾正  
東之青則沂山望諸淮泗沂沭河東之兗則岱山大野  
河汴盧維正西之雍則嶽山弦蒲涇汭渭洛東北之幽  
則醫無閭獫養河汴舊時河內之冀則霍山楊紆漳汾  
潞正北之并則常山昭餘祁序池嘔夷洙易其利林漆  
絲枲蒲魚玉石魚鹽松柏布帛其穀五種稻麥四種三  
種黍稷辨九服之邦國王畿侯服甸男采衛蠻夷鎮藩  
節以上用經文  
要併寫正義九州總為三道先從南方起尊陽方

周改禹貢以徐梁合於雍青分冀州為幽并東南曰揚州次正南曰荊州周之西南不置州統屬雍州即次河南曰豫州為一道也次正東曰青州次河東曰兗次正西曰雍為二道又次東北曰幽州次河內曰冀次正北曰并州為三道若禹貢治水則為二道又先從下起與此異也然既以徐梁合雍青其二道則以冀兗青徐為一道揚荊豫梁雍為二道云九州皆有鎮所以安地德一州之內山川澤藪至多取最大者而言鄭志趙商問

職方氏掌四夷八蠻七閩九貉五戎六狄之數注云周之所服國數明堂位曰周公六年制作禮樂朝諸侯於明堂有朝位服事之國數夷九蠻八戎六狄五禮之事異未達其數鄭答職方四夷四方夷狄也九貉即九夷在東方八蠻在南方閩其別也戎狄之數或六或五兩文異爾雅雖有其數皆無別國之名周之克於禹貢侵青徐之地周之青於禹貢侵豫之地周之雍豫於禹貢兼梁之地周之冀州小於禹貢以其北有幽并也周無



徐梁禹貢無幽并 書序孔子述職方 汲冢周書職

方解第六十二

與周官同

孔晁注云穆王使有司抄出之欲

時省焉

漢華嶽碑以為識方氏

隋志周則夏官司

險建九州之圖地官誦訓掌方志春官保章以星土辨

九州之地職方掌天下之圖司徒掌土地之圖及土會

之法其事分在衆職而冢宰掌建六典實總其事大史

以典逆冢宰之治其書蓋亦總為史官之職 唐志職

方記十六卷

周地圖 方志 九州圖 天下圖

地官大司徒掌建邦之土地之圖

注若今司空郡國輿地圖疏案漢蕭何收

秦圖籍以知天下阨塞廣遠至後漢乃有司空郡國輿地圖職方法直云如今司空輿地圖不云郡國以司馬

主九畿并夷狄而言故不云郡國此主人民之數惟據九州之中以天下土地之圖周

知九州之地域廣輪之數辨其山林川澤丘陵墳衍原

隰之名物邦國都鄙之數注九州揚荊豫青兗雍幽冀

并疏有幽并無徐梁此土地圖據十等土地而說馬融

云東西為廣南北為輪案王制南北兩近一遙東西兩

遙一近是南北長東西短謂知此數也山林以下十等  
名異辨邦國者謂分別畿外諸侯邦國多少之數若王  
制云畿外八州州二百一十國也辨都鄙者謂分別畿  
內三等采地之數若王制畿內九十三國也小司徒  
地訟以圖正之注謂邦國本圖疏凡量地以制邑初封  
量之時即有地圖在於官府小宰聽閭里以版圖注  
版戶籍圖地圖也聽人訟地者以版圖決之遂人以  
土地之圖經田野造縣鄙形體之法制分界也土訓道地

圖以詔地事注說地圖九州形勢山川所宜疏九州地  
圖乃諸國所獻以入職方今土訓乃於職方取九州地  
圖依而說 誦訓道方志以詔觀事道方慝以知地俗  
注四方所識久遠之事以告王若魯大庭之庫穀二陵  
卅人掌金玉錫石之地以時取之物其地圖而授之  
司書掌邦中之版土地之圖知山林川澤之數 量  
人掌建國之灋分國為九州邦國之地與天下之涂數  
皆書而藏之注書地謂方園山川之廣狹書涂謂支湊

之遠近 司險掌九州之圖周知山林川澤之阻 職

方掌天下之圖 保章以星土辨九州之地 穆天子

傳庚辰天子大朝於宗周之廟乃里西土之數

注紀年曰穆王

西征還里天下

天子大朝於黃之山披圖視典 蘇秦說趙曰

以天下地圖案之諸侯之地五倍於秦

### 周版圖

禮小宰以官府之八成經邦治三曰聽閭里以版圖注

版戶籍圖地圖也 司書掌邦中之版土地之圖以周

知入出百物 內宰掌書版圖之法以治王內之政令  
注版謂宮中閹寺之屬及其子弟錄籍也圖王及后世  
子之宮中吏官府之形象也 宮正掌王宮比宮中之

官府次舍為之版以待司農注為官府次舍之版圖

元謂

版名籍

宮伯掌王宮士庶子凡在版者注版名籍也以

版為之今鄉戶籍謂之戶版 司會掌凡在書契版圖

者之貳以聽會計注圖土地形象田地廣狹 大胥掌

學士之版 司士掌羣臣之版 論語式負版者注邦

國圖籍 版圖之貳司會掌之土地之圖司書記之則  
天官之屬也形體之法遂人造之地事之圖土訓詔之  
則地官之職也春卿有小史外史掌其志夏卿有司險  
職方掌其圖至於邦國土地之圖地域廣輪之數載在  
司徒維見可睹

周帝王圖籍

漢地志周爵五等而土三等不滿為附庸蓋千八百國  
而大昊黃帝之後唐虞侯伯猶存帝王圖籍相踵而可

知王吉疏帝王圖籍日陳於前翟輔上疏帝王圖籍陳列左右

周卜洛圖

洛誥乙卯朝至於洛師我卜河朔黎水乃卜澗水東瀍水西惟洛食又卜瀍水東亦惟洛食佯來以圖及獻卜

注所卜地圖周書有作雒篇司約丹圖禮形方

氏中士四人掌制邦國之地域而正其封疆無有華離之地

周河圖



水經注穆天子傳曰天子西征至陽紆之山河伯馮夷之所居地也是惟河宗氏天子乃沈珪璧禮焉河伯乃與天子披圖視典以觀天子之寶器玉果璿珠燭銀金橐等物皆河圖所載河伯以禮穆王視圖方乃導以西邁矣粵在伏羲受龍馬圖於河八卦是也故命歷序曰河圖帝王之階圖載江河小川州界之分野後堯壇於河受龍圖作握河記逮虞舜夏商咸亦受焉李尤盟津銘洋洋河水朝宗於海徑自中州龍圖所在淮南子曰

昔禹治洪水具禱陽紆蓋於此也 河圖玉版曰倉頡  
為帝南巡登陽虛之山臨於元扈洛汭之水靈龜負書  
丹甲青文以授之 隋巢子姬氏之興也河出綠圖

河圖括地象

周禮疏河圖括地象西北為天門東南為地戶 曲禮  
疏案地統書括地象云地中央曰崑崙其東南方五千  
里曰神州 後漢曹充對河圖括地象曰有漢世禮樂  
文雅出 蜀志注引岷山之地為東井絡 文選注

引河圖括地象曰崑岡之山橫為地軸岷山之地上為井絡

管子地圖

通典管子曰凡兵主者必先審知地圖輟輳之險濫車之水名山通谷經川陵陸丘阜之所在苴草林木蒲葦之所茂道里之遠近城郭之大小名邑廢邑困殖之地必盡知之地形之出入相錯者盡藏然後可以行軍襲邑舉錯知先後不失地利此地圖之常也管子地圖第

二十七又地員篇九州之土為九十物每土有常而物有次凡土物九十其種三十六

秦地圖

見後 荀子今秦南乃有沙羨與俱是乃江南也北與胡貉為隣西有邑戎東在楚者乃界於齊在韓者踰常山乃有臨慮在魏者乃據圉津即去大梁百有二十里耳其在趙者剡然有苓而據松栢之塞負西海而固常山是地徧天下也其國塞險形勢使山林川谷美天材

之利多是形勝也

漢三輔黃圖

隋志一卷記三輔宮觀陵廟明堂辟雍郊時等事 唐  
志一卷地理六十三家此為之首序云孔子作春秋築  
一臺新一門必書於經今哀秦漢以來宮殿門闕樓觀  
池苑在闕輔者著於篇東都不與焉不著作者姓名始  
於三輔治所終於雜錄一帙凡二十九條 書目云其  
間多用應劭集解如淳顏師古注援引亦有同者疑非

當時本書

崇文目  
不載

程大昌曰晉灼所引謂為黃圖者

多今書所無今書亦明引舊圖如漸臺彪池高廟元始

祭社稷儀皆言祖本舊圖又有引顏師古語為據者又

命槐里為興平興平乃唐至德中改蓋唐人增續成之

思子宮在湖萬歲宮在汾陰皆以其宮隸甘泉與正史  
不合續志注南北郊隋宇文愷議明堂今本無之

唐志三輔舊事三卷隋志又有三輔故事二卷晉

世撰隋禮志王元規議案前漢黃圖上帝后土壇執

文類聚文選注漢書注水經注多引之

文選注引三輔  
舊事曰高祖立

金史卷一百一十五  
食貨志  
為新

食貨志臣瓚注引西京黃圖叙曰民摩錢取屑

南史江子一續黃圖

漢長安圖

史記文紀注裴駟案如淳曰長安圖細柳倉在渭北近

石徹

索隱曰三輔故事細柳在直城門外匈奴傳在長安西如淳云在渭北非也

後郡國

志注案關中圖縣南有新豐原 選西征賦注引雍州

圖辛氏三秦記蒲岳關中記又引長安圖漢時七里渠

有飲馬橋

漢山川圖

建元六年淮南王安諫擊閩越曰以地圖察其山川要  
塞相去不過寸數而間獨數百千里 李陵出居延北  
至浚稽山舉圖所過山川地形 張千秋隨范明友擊  
烏丸還謁大將軍光問戰鬪方畧山川形勢千秋口對  
兵事畫地成圖 後李恂拜侍御史持節使幽州尉撫  
北狄所過皆圖寫山川屯田聚落百餘卷悉封奏上肅  
宗嘉之拜兗州刺史 燕然山銘考傳驗圖窮覽其山



川建武八年閏四月征隗囂馬援於帝前聚米為山  
谷指畫形勢帝曰虜在吾目中矣陳湯傳建昭二年  
出西域每過城邑山川常登望選注引遁甲開山圖

漢四海圖籍 古圖書

班固東都賦受四海之圖籍張騫傳漢使窮河源天  
子案古圖書名河所出山曰崑崙云紀高元年冬十  
月沛公入咸陽蕭何收秦丞相府圖籍文書傳云先入  
收秦丞相御史律令圖書沛公具知天下阨塞戶口多

少強弱之處以何得秦圖書也 黃圖石渠內藏入秦

府所得圖書所謂天祿石渠典籍之府志代郡班氏注  
秦地圖書班氏琅邪郡奚養澤注秦地圖亦曰劇清地

禹貢正義史記稱高祖入咸陽蕭何先收圖籍則秦  
焚詩書圖籍具在孔君去漢初七八十年身為武帝博  
士必當具見圖籍其山川所在必驗實而知班固地理  
志據前漢郡縣言山川所在 張蒼傳自秦時為柱下

御史明習天下圖書計籍以列侯為主計

張宴曰典校郡國簿書

西域傳丞相御史奏遣屯田卒詣輪臺以東舉圖地形溝洫志武帝時方事匈奴齊人延年上書言河出崑崙經中國注渤海地勢西北高而東南下可案圖書觀地形令水工準高下開大河上領出之胡中東注之海書奏上壯之匡衡傳建始元年臨淮郡定國界上計簿更定圖言丞相府陸賜曰案故圖樂安鄉南以平陵伯為界不足故而以閩伯為界司隸劾奏衡位三公領計簿知郡實正國界計簿已定而專地盜土以自

益 建昭四年正月以誅郅支單于以其圖書示後宮  
貴人 王鳳對太史公書有地形阨塞不宜在諸侯王  
趙充國願馳至金城圖上方畧 選張衡思玄賦注  
引四海圖曰交廣南有邛州 後漢東夷傳引外國圖  
南蠻傳注引荊州圖副 左東海右渠搜前番禺後陶  
塗東南一尉西北一候六合之內同原共流稟卬太和  
枝附葉著 得李恂之圖書乃知聚落觀千秋之畫地  
盡見山川

漢司空輿地圖

史記三王世家元狩六年四月丙申太僕臣賀行御史

大夫事奏輿地圖請所立國名乙巳

二十  
八日

立皇子閼齊

王旦燕胥廣陵王淮南王安與其臣左吳案輿地圖

部兵所從入

蘇林曰輿圖  
盡載之意

周禮大司徒職方氏注若

今司空輿地圖

見上

江都王建具天下輿地及軍陳圖

志林云輿地圖  
漢家所獲

隗囂據隴右馬援說其將楊廣曰前披

輿地圖見天下郡國百有六所奈何以區區二邦當諸

夏百有四乎 更始元年十月光武安集河北鄧禹見  
於鄴曰今之計莫如延攬英雄務悅民心立高祖之業  
救萬民之命以公而慮天下不足定也及王郎起兵

二年

二月光武至廣阿舍城樓上披輿地圖指示禹曰天下郡

國如是今始乃得其一子前言天下不足定何也禹曰

今海內殽亂人思明君猶赤子慕慈母古之興者在德

厚薄不在小大光武悅 紀建武十五年初巴蜀既平

大司馬吳漢上書請封皇子三月詔羣臣議大司空融

固始侯通膠東侯復高密侯禹太常登奏議曰古者封建諸侯蕃屏京師周封同姓諸姬並為建國高祖封立兄弟諸子不違舊章陛下興復宗統功臣宗室咸蒙封爵今皇子賴天能勝衣趨拜陛下抑而未議宜因盛夏吉時定號位以廣藩輔臣請大司空上輿地圖用元狩故事也

成帝時更御史大夫名大司空輿載也  
載在地者皆圖之司空掌土地故今上之太常擇吉日

具禮儀制曰可夏四月戊申以太牢告祠宗廟丁巳使大司空融告廟封皇子輔右翊公英楚陽東海康濟南

蒼東平延淮陽荆山陽衡臨淮馬左翊京琅琊公十七  
年皆進爵為王 列傳注東觀記明紀曰皇子之封皆  
減舊制嘗案輿地圖皇后在傍言鉅鹿樂成廣平各數  
縣租穀百萬帝令滿二十萬止諸小王皆當畧與楚淮  
陽相比什減三四我子不當與先帝子等也

永平十五年四月庚

子封皇子恭鉅鹿樂成衍下邳暢汝南昞常山長濟  
陰王 馬后紀十五年帝案地圖將封皇子悉半諸國  
后見而言曰諸子食數縣不已儉乎帝曰我子豈宜與  
先帝子等歲給二十萬足矣 諸子之封裁令半楚淮  
陽諸  
國 廣平王羨傳永平三年封建初三年有司奏遣



羨與鉅鹿樂成王俱就國肅宗性篤愛皆留京師明年  
案輿地圖令諸國戶口皆等租入歲各八千萬唐會  
要貞觀十六年褚遂良上疏曰漢明帝披輿地圖等諸  
國戶口令諸子租歲不過二千萬明德后為言亦不偏  
得武紀元鼎六年秋浮沮將軍公孫賀出九原臣瓚  
曰浮沮井名在匈奴中去九原二千里見漢輿地圖晉  
裴秀云惟有漢氏輿地及括地雜圖史記正義天地  
有覆載之德天為蓋地為輿故云輿地圖周禮大司

徒疏車輿其前開曲地形不可正方故云 武帝案以  
剖三子之封光武披而思天下之定明章二朝以等諸  
侯之租

漢禹貢圖

永平十二年賜王景山海經河渠書禹貢圖

見河渠

師

古曰禹貢載禹治水次第山川高下 平當以經明禹  
貢使行河

魏平原圖

魏志孫禮傳遷冀州牧太傅司馬宣王謂禮曰今清河平原爭界八年更二刺史靡能決之禮曰當以烈祖初封平原時圖決之今圖藏在天府便可於坐上斷也禮到案圖宜屬平原平原在兩河向東上其間有爵隄在高唐西南所爭地在高唐西北相去二十餘里

晉禹貢地域圖

禹貢山川地名

漢括地雜圖

吳蜀地圖

裴秀傳武帝時為司空儒學洽聞以職在地官禹貢山川地名從來久遠多有變易說者或彊牽引漸以闇昧

於是甄擿舊文疑者則闕古有名而今無者皆隨事注  
列作禹貢地域圖十八篇奏之藏於秘府其序曰圖書  
之設由來尚矣三代置其官國史掌厥職漢蕭何收秦  
圖籍今秘書既無古之地圖又無蕭何所得惟有漢氏  
輿地及括地諸雜圖各不設分率不考正準望亦不備  
載名山大川雖有麓形皆不精審或荒外迂誕之言不  
合事實於義無取晉混一六合始於庸蜀宋入其阻文  
皇帝乃命有司撰訪吳蜀地圖蜀土既定六軍所經地

域近遠山川險易徑路迂直校驗圖記罔或有差今考  
禹貢山海川流原隰陂澤古之九州及今之十六州郡  
國縣邑疆界鄉阡及古國盟會舊名水陸徑路為地圖  
十八篇制圖之體有六一曰分率以辨廣輪之度二曰  
準望以正彼此之體三曰道理以定所由之數四曰高  
下五曰方邪六曰迂直此三者各因地制宜以校夷險  
之異以六者參而考之

文章序錄曰盟會圖及典治官制皆未成隋宇文愷曰裴秀

輿地以二寸為千里

本朝程大昌上禹貢論五十二篇後論八篇

文選王元長曲水

序注括地圖曰貫胸之民 左太冲摹二京而賦三都

其山川城邑則稽之地圖鳥獸草木則驗之方志 水

經注括地圖曰馮夷乘雲車 杜預為春秋左氏集解

又作盟會圖 初學記括地圖曰夏德盛二龍降之禹

使范氏御之以行

選東都賦注括地圖曰夏德盛二龍降之禹使范氏御之以行程南方

選注引輿地圖曰梁武改南琅邪為琅邪郡

### 宋方丈圖

宋謝莊分左氏經傳隨國立篇製木方丈圖山川土地

各有分理離之則州郡殊別合之則寓內為一 唐志  
地域方丈圖一卷方尺圖一卷 梁昭明謝賚地圖啟  
曰漢氏輿地晉氏方丈

周地圖記

隋志一百九卷 唐志周地圖一百三十卷 漢劉焉  
傳注引周地圖記曰褒谷西北有古陽平關其地今在  
梁州褒城縣西北選注亦引之 史記正義周地圖記  
云長安城南為斗形北為北斗形

隋州郡圖經

志隋諸州圖經集一百卷郎蔚之撰

郎茂撰一百卷奏之賜帛以書付秘

府

唐志郎蔚之隋圖經集記一百卷

仁壽初命職方進士

德王 志有并州總管內諸州圖一卷州郡縣簿七卷

選注引雍州圖經洛陽

圖經

唐十道圖 職方地圖 州縣圖經 山川圖

志地理類長安四年十道圖十三卷開元三年十道圖

十卷李吉甫元和十道圖十卷 會要貞觀元年三月



十日始分天下為十道

關內河南河東河北山南  
隴右淮南江南劍南嶺南

志

兵部尚書侍郎掌地圖職方郎掌地圖城隍鎮戍烽候

道路遠近及四夷歸化之事凡圖經非州縣增廢五年

乃修歲與版籍偕上凡蕃客至鴻臚訊其國山川風土

為圖奏之副上職方殊俗入朝圖其容狀衣服以聞貞觀

有王會圖

會要諸州圖每三年一送職方建中元年十一

月二十九日改至五年一造送如州縣有創造及山河

改移即不在五年之限

後復故

六典職方凡地圖委州

府三年一造與版籍偕上省 韋執誼與同舍郎詣職

方觀圖至嶺南圖皆命去之 平淮西碑考圖數貢

田興傳欲守天子之法舉六州版籍請吏於朝遂圖魏

博相衛貝澶之地籍其人以獻 元和五年九月義武

張茂昭奉兩州符節管鑰圖籍歸之朝 五代會要後

唐長興三年四月中書奏案十道圖以關內道為上遂

以鳳翔為首河中成都江陵興元為次 晉開運二年張昭言流內銓行

用十道圖請  
改定從之 志劔南地圖二卷

唐方域圖 方志圖 華夷圖 九州設險圖

呂才為太常博士帝詔造方域圖及飛騎戰陣圖屢稱

旨擢太常丞

五行類有地理經  
十卷貞觀中上

方技傳武后時渾儀

令尚獻甫於上陽宮集術家撰方域等篇

舊史云集學者撰方域圖

志李播方志圖

卷七

賈耽撰海內華夷圖及論次地

理之書凡五十有五編言方志者以為名家

志耽有地  
圖十卷詳

後見

舊紀貞元十七年十月辛未宰相賈耽上海內華

夷圖及古今郡國縣道四夷述四十卷 馬敬寔諸道

行程圖一卷 會要天寶五載正月七日詔天下山水  
名稱或同義且不經多因里諺宜各據圖籍改定 舊  
史左史江融撰九州設險圖備載古今用兵成敗之事  
魏元忠就傳其術高宗朝 儀鳳中元忠上封事言命將用  
兵之工拙

唐九州圖 元和郡國圖

貞元十四年十月賈耽進九州圖并別錄六卷通錄四  
卷共十卷表曰楚左史倚相能讀九丘晉司空裴秀創

制六體采掇輿議畫關中隴右及山南九等圖一軸十七年上海內華夷圖表曰昔母丘出師東銘不耐甘英奉使西抵條支縮四極於織縞分百郡於作繪宇宙雖廣舒之不盈庭舟車所通覽之咸在目 舊紀元和八

年二月辛卯宰相李吉甫進所撰元和郡國圖三十卷

太平御覽

又進六代畧三十卷又為十道州郡圖五十四卷

引元和郡縣圖洛陽地圖

舊天文志李淳風刊定隨方志圖頗為

詳悉所注郡邑多依用其後州縣改隸管屬不同但據

山河以分耳

貞觀中淳風撰法象志始以唐之州縣配焉

宗文目開元分

野圖一卷

唐東都圖

元和八年五月河南尹許孟容進東都圖 隋志晉懷

州刺史楊侗期洛城圖一卷

唐志同

陸機洛陽記一卷洛

陽宮殿簿一卷

洛陽記四卷

後漢志注文選注又引楊侗

期洛陽記河南郡縣境界簿及陸機洛陽記 西征賦

注引河南郡圖經 東征賦注引洛陽故事 選東京

賦薛綜注洛陽圖經曰濯龍池名 舊志洛陽圖一卷

楊佺期撰

唐天下圖 河湟十一州地圖

吐蕃傳初太宗平薛仁果得隴上地虜李軌得涼州破吐谷渾高昌開四鎮玄宗繼收黃河磧石宛秀等軍中國無斥候警者幾四十年輪臺伊吾屯田禾菽彌望開遠門揭候書曰西極道九千九百里示戍人無萬里行也乾元後隴右劔南西山三州七關軍鎮監牧三百所

皆失之憲宗嘗覽天下圖見河湟舊封赫然思經略之

未暇也宣宗大中三年二月復三州七關明年張義潮

奉瓜沙伊肅甘等十一州地圖以獻

會要五年七月紀五年十月沙州

人張義潮以瓜沙伊肅鄯甘河西蘭岷廓十一州歸于  
有司十一月置歸義軍義潮為節度使其後河渭州虜  
將尚延心獻款收二州咸通二年義潮奉涼州  
來歸七年僕固俊取西州收諸部十月斬恐熱

長慶

二年劉元鼎使吐蕃踰湟水至龍泉谷西北望殺胡川

哥舒翰故壁多在湟水出蒙谷抵龍泉與河合其西三

百里曰紫山直大羊同國古所謂崑崙者東距長安五



千里河源其間流澄緩下稍合衆流色赤行益遠他水并注則濁故世舉謂西戎地曰河湟書目域中郡國山川圖經一卷韋瑾撰始闢內終劔南為圖李絳曰今法令所不及者五十餘州西戎內訌近以涇隴為鄙去京師遠不千里燧燧相接元載嘗在西州具知河西隴右要領請徙京西軍戍原州乘間築作徙子儀大軍在涇以為根本分兵守石門木峽隴山之關稍置鳴沙縣豐安軍為羽翼北帶靈武五城為形勢因圖上地形

帝疑不決

本傳

柳宗元貞符濮鉛于北祝栗于南幅員

東西祇一乃心

唐風俗圖

志藝術范長壽畫風俗圖

唐國要圖 國照圖

崇文目唐國要圖五卷大唐國照圖一卷

又見圖類

國史

志賈耽國要圖一卷

唐河北險要圖

元和七年十月乙未田興以魏博六州歸有司 李吉

甫傳田季安疾甚吉甫請任薛平節度義成軍以重兵

控邢洺因圖上河北險要所在帝張於浴室門壁每議

河北事必指吉甫曰朕日按圖信如卿料矣

吉甫圖淮  
西地未及

上帝勅其

子獻之 通鑑七年八月辛亥上議魏博事吉甫請

興兵李絳謂不必用兵當自歸 吉甫為相期年易三

十六鎮又省冗官八百員奏復宥州乃治經畧軍以隸

綏銀道取廊城神策屯兵九千實之以江淮甲三十萬

給太原澤潞軍增太原馬千匹由是戎備全輯徙烏重脣七汝州

唐山川險要圖

李德裕

見籌邊樓

賈曾傳高宗方事遼東奏上山川

道里并陳高麗可破狀唐休璟知兵自碣石

踰四鎮綿地幾萬里山川夷阻障塞之要皆能

言之

唐定戎關圖

又見後

會要大中六年三月隴州防禦使薛達奏奉正月二十  
六日詔旨移築故關伏以汧源西境切在故關昔有隄  
防殊無制置僻在重崗之上苟務高深今移要會之中  
實堪控扼舊絕泉井遠汲河流今臨水挾山當川限谷  
危墻深塹克揚營壘之勢乞改為定戎關關吏鈐轄往來  
當界又有南由路亦是要衝舊有水關請準前把捉正  
月二十七日起功今月十七日畢謹畫圖進上勅旨新  
置關城得其要害形於圖畫頗見公忠宜依所奏 舊

紀大中六年三月隴州刺史薛達奏修築定戎關功畢  
志隴州汧源西有安戎關在隴山本大震關大中六  
年薛達徙築更名

唐舊州圖

舊紀貞元十三年五月丙戌朔韋臯收復舊州畫圖來  
上會要大中五年七月沙州刺史張義潮遣兄義潭  
將本道圖經戶籍來獻舉州歸順

唐地志圖

大粹廣陵李該裂素為方儀據書而畫隨方面以區別  
擬形容而訓解命曰地志圖呂溫為序云黜諸子之傳  
記述仲尼之職方會源流考同異觀其粉散百川黛擬  
羣山元氣剖判成乎筆端任土之毛有生之類大鈞變  
化不出其意列以城郭羅于陬落五侯九伯要荒蠻貊  
禹跡所窮漢驛所通五色相宣萬邦錯峙毫釐之差而  
下正封畧方寸之界而上當分野乾象坤勢炳焉可觀  
與聚米畫地不可同年而語也戶納四海窻籠八極名

山大川隨顧奔走殊方絕域舉意而到高視華裔坐橫  
古今觀帝王之疆理見宇宙之寥廣出遐入幽曾不崇  
朝才識以潤之丹青以炳之覈人物之虛實總山川之  
要會表皇威之有截明王道之無外見蒼梧塗山則思  
舜禹卹民之艱覩窮荒大漠則悟秦漢勞師之弊覽齊  
墟晉壤則想桓文勤王之霸觀洞庭荆門則知苗蜀恃  
險之敗王者於是明得失諸侯於是鑒興替斯懲勸之  
遠也所以廣學流贊鴻業示後世



乾德山川形勢圖

二年十一月先是蜀遣孫遇趙彥韜及楊鏐等以蠟彈帛書間行遺北漢遇等至都下彥韜潛取書以獻有穆昭嗣為醫官上數召見問蜀中地理曰荆南都會已克則水陸皆可趨蜀上大悅後數日上得彥韜所獻書曰西討有名矣乃并赦遇鏐使指陳山川形勢戍守處所道里遠近畫以為圖甲戌命王全斌等進討乙亥上出畫圖授全斌等謂曰西川可取否對曰仗天威遵廟筭

剋日可定史延德前奏曰西川若在天上固不可到在

地上到即平矣上嘉其果敢初蜀於夔州鑠江為浮梁

上設敵棚三  
重夾江列礮

上出地圖指其處謂劉光義曰泝江至此

切勿以舟師爭勝當先遣步騎潛擊之俟稍却以戰棹

夾攻可必取也三年正月全斌命偏將

史延德

分兵趨來

蘇狹徑跨江為浮梁以濟遂取劔州

兵出兩道一自鳳州以八一自歸州

以取忠  
萬以西

自發京師至昶降才六十六日凡得州四十六

縣二百四十戶五十三萬四千二十九太祖以幽燕

地圖示趙普普曰此必曹翰為之上曰然普曰  
翰可取孰可守云云 安德裕知廣濟軍時軍  
城新建作軍記及圖經三卷 許仲宣知北海  
軍度山川形勢地理廣袤可為州郡因畫圖來  
上遂升為濰州 熙寧中陳冠撰熙河六州圖  
記書目

開寶修圖經

四年正月戊午命知制誥盧多遜扈蒙等重修天下圖

經其書沆不克成六年四月辛丑多遜使江南求江表  
諸州圖經以備修書於是十九州形勢盡得之 宋準  
傳開寶八年受詔修定諸道圖經

太平興國閏年圖 淳化天下圖 咸平職方

圖

興國二年閏七月丁巳

二十  
八日

有司上諸州所貢閏年圖

故事三年令天下貢地圖與版籍皆上尚書省國初以

閏為限所以周知地理

山川

之險易戶口之衆寡

三年五  
月吳越

納土四年五  
月北漢平

至雍熙中吳晉悉平奉圖來獻者州郡幾

四百淳化四年詔畫工集諸州圖用絹一百匹合而畫  
之為天下圖藏于秘閣又令諸州所上閏年圖自今再  
閏一造至道二年二月王炳言二十四司載籍惟職方  
有諸司閏年圖云咸平四年八月甲子職方員外郎秘  
閣校理吳淑言諸路所納閏年圖當在職方近者並納  
儀鸞司伏以山川險要皆王室秘奧國家急務周禮職  
方氏掌天下圖籍又詔土訓以夾王車漢祖入關中蕭

何收秦圖籍由是周知天下險要請今閏所納圖並上  
職方又州郡地里犬牙相入向者獨畫一州地形何以  
傳合他郡請令諸路轉運使從今閏各畫本路諸州圖  
一面上之每十年各納本路圖一亦上職方所冀天下  
險要不窺牖而可知九州廣輪如指掌而斯在從之  
兩朝志職方受諸州閏年圖及圖經

至道滋福殿觀地圖 山川郡縣形勝圖 咸

平陝西河北地圖 祥符西域圖 河西隴右

圖

至道三年七月四日真宗語宰臣曰朕欲觀邊防郡縣山川形勢可擇使以往乃選左藏副使楊允恭崇儀副使竇神寶閣門祗候李允則乘傳視山川形勝九月允恭以山川郡縣形勝一作地形繪圖以獻丙寅四日御滋福殿召輔臣觀西鄙地圖指山川堡壁曰朕已令屯兵於地內州郡簡冗省費以息關輔之民咸平四年十月庚戌上以陝西二十三州地圖示輔臣歷指山川險易蕃部

居處又指秦州曰此州在隴山之外號為富庶且與羌  
戎接畛已命張雍出守冀其撫綏有方次指殿北壁靈  
州圖曰此馮業所畫頗為周悉山川形勝如此安得智  
勇之士為朕守之乎又指南壁甘沙伊涼等州圖曰此  
圖載黃河所出之山乃在積石外與禹貢所述異又指  
北壁幽州北契丹國界圖載契丹所據地南北千五百  
里東西九百里上曰封域非廣惜燕薊之淪異俗也  
時鄭  
大寶亦獻河西隴右  
圖且言靈州可弃

先是八月戊申上出環慶清遠軍



至靈州地圖指示輔臣又指靈州西榆木天澗路且議

戰守方畧

曰邊臣奏糧儲芻藁大有備呂蒙正曰國家貿易商賈以實邊農人不擾而西鄙足用蓋

上策也

五年六月甲申對輔臣于便殿出河北東路地圖

指示山川要害

祥符七年六月十一日河北安撫司上沿邊浚陂塘築隄道條式畫圖請付

田司從之

天禧二年十一月己未朔以知制誥盛度為學士

先是度奉使陝西因覽疆域參質漢唐故地繪為西域圖以獻祥符六年遷知制誥明年奏事便殿上問山川形壤之制內出繒命工別繪度因言已圖漢所置五郡

酒泉至復究尋五郡之東南自秦築長城唐置節度繪金城

其山川道路區聚壁壘為河西隴右圖以獻上稱其博學

### 咸平河西隴右圖

鄭文寶傳咸平中命相府召詢策畧文寶因獻河西隴右圖且言靈州可弃序曰淳化初掌漕陝右周覽河隴徧尋方志廣問象胥探月支日逐之穹廬討金城玉關之甌脫列于藻繪煥然在目

咸平山海經圖

見後 論衡禹治洪水益主記異物作山海經 崇文  
目山海經圖十卷舒雅修 文選木玄虛海賦注引陸  
綏海賦圖 選陶潛讀山海經詩流觀山海圖 朱氏  
曰山海諸篇記異物飛走之類多云東向或云東首皆  
為一定不易之形疑本依圖畫而為之非實紀載此處  
有此物也

景德重修十道圖

淳化四年分天下為十道 景德四年八月己酉

十六日

命知制誥孫僅龍圖待制戚綸重修十道圖

書不成

祥

符六年十月戊子判吏部真徙吉言格式司用十道圖  
考郡縣上下緊望以定俸給法官亦以定刑而戶口歲  
有登耗請校定新本詔校理真鏞邵煥晏殊校定王曾  
摠領之天禧元年書成凡三卷詔付有司

### 景德山川形勢圖

四年七月戊子詔翰林遣畫工分詣諸路圖上山川形

勢地里遠近納樞密院每發兵屯戍移徙租賦以備檢閱  
元年十月甲午令張齊賢丁謂具青淄齊鄆濮等  
州山河道路形勢畫圖以聞

祥符九域圖 熙寧十八路圖

祥符初命李宗諤修圖經有司請約唐十道圖以定賦  
役上命學士王曾修九域圖六年成

崇文目  
二卷

先王建

國詔地事則有圖詔觀事則有志比生齒則有籍近  
世撮其大要會為一書趣時施宜文約事備則唐

十道圖本朝九域圖是也 熙寧四年二月甲戌

十八日

召集賢校理趙彥若歸館管當畫天下州軍府監縣鎮地圖先是中書命畫院待詔繪畫上欲有記問者精攷

圖籍故命彥若六年十月戊戌上十八路圖一及圖副

二十卷八年六月辛丑劉師旦言九域圖訛舛請刪定

既成王存言不繪地形難以稱圖更名九域志

見後

康

定二年十月甲午分陝西為四路

秦鳳韓琦涇原王沿  
環慶范仲淹鄜延龐

籍仁宗初晏殊以十八路州軍三百六十餘所為圖上

之表曰周公辨九州之土壤以奠民居蕭何收天下之  
圖籍以定帝業 太宗分天下為十五路後天聖八年  
分江南為東西又增三路為十八路一京東二京西三  
河北四河東五陝西六淮南七江南東八江南西九湖  
南十湖北十一兩浙十二福建十三益

嘉祐四年  
改成都

十四

梓十五利十六夔十七廣東十八廣西咸平四年三月  
辛巳分川峽為四路慶歷八年分河北為四路

定州高  
陽真定

大名

皇祐五年十二月二十七日壬戌以京東曹州京

西陳許鄭滑州為輔郡置京畿轉運使

至和二年十月已丑罷

熙

寧五年八月二十四日分京西為南北九月二十二日分淮南為東西十二月十三日分陝西為永興秦鳳兩路六年七月乙丑分河北為東西又分永興鄜延環慶秦鳳涇原熙河為六路

祥符州縣圖經

隋有諸州圖經集一百卷 景德四年二月乙亥命學士邢昺呂祐之杜鎬戚綸陳彭年編集車駕所經古跡



庚辰

十二日一云  
十四日勅

真宗因覽西京圖經有所未備詔諸

路州府軍監以圖經校勘編入古蹟選文學之官纂修  
校正補其闕畧來上及諸路以圖經獻詔知制誥孫僅  
待制戚綸直集賢院王隨評事宋綬邵煥校定僅等以  
其體製不一遂加例重修命翰學李宗諤知制誥王曾  
領其事又增張知白晏殊又擇選人李垂韓義等六人  
參其事祥符元年四月戊子龍圖待制戚綸請令修圖  
經官先修東封所過州縣圖經進內仍賜中書密院崇

文院各一本以備檢閱從之三年十二月丁巳書成凡

一千五百六十六卷

目錄二卷

宗諤等上之詔嘉獎賜器幣

命宗諤為序又詔重修定大小圖經令職方牒諸州謹

其藏每閏依本錄進

景祐四年二月甲子賜御史臺中興書目今存九十八卷兗州至

利州或附以近事云

序曰夏載弼成於五服職方周知於數要

其後地志起於史官郡記出於風土昔漢蕭何先收圖

籍趙充國圖上方略光武按司空輿地圖封諸子李恂

使幽州圖山川並變定封域章施丹采今閏年諸州土

地圖亦其比也圖則作繪之名經則載言之別景德丁未歲展孝山園循功鼎邑覽山河之形勝酌方志之前聞勅土訓而夾車校地官之著籍亟詔方州精加綜輯曾未半載悉上送官毛舉百代派引九流舉春秋筆削之規遵史臣廣備之法立言之本勸戒為宗守令循良罔不採尋峻良攸產徃諜備傳自餘經界之疆畔道里之通遐版賦耗登軌迹昭晦土毛良苦氣俗剛柔具有差品無相奪倫 凡京府二次府八州三百五十二軍

四十五監十四縣千二百五十三 祥符四年八月十

八日中書門下牒別寫錄頒下諸道圖經新本共三百

四十二本 祥符四年正月戊子命錢易陳越劉子儀

宋綬修所過圖經

將祀汾陰

六年十月甲戌命直集賢院石

中立錢易修車駕所過圖經以備顧問十二月庚辰命

晏殊同修

時將朝謁太清宮

康定元年十月癸卯詔陝西河

東河北轉運司各上本路地圖三本一進二送中書密

院 續書目有圖經七十七卷台州至筠州其間亦有

經後人增益者 神宗史志職方掌天下圖籍周知方  
域廣袤及郡邑鎮寨道理之遠近與古今興廢之因州  
為之籍遇閏歲則一造圖以進 建隆四年四月林抱  
義上辰叙二州圖 樂史傳撰掌上華夷圖一卷  
蘇軾為指掌圖始帝嚳汜聖朝為圖凡四十有  
四其序曰昔蘇秦按此以說諸侯而知六國有十  
倍之勢蕭何藏此以相高祖而知天下阨塞之所  
在聚米為象馬援以度隗囂建樓以畫德裕以服南詔

藩鎮疆梁於河北而險要詳於吉甫先零跋扈於隴西  
而地形上於充國規制華夷靡不憑此書目二卷不  
知作者始自帝嚳迄于皇朝圖其疆域著其沿革刊其  
同異熙河六州圖記一卷熙寧間陳冠撰載王  
韶收復六州之地

國圖

地理圖一卷不知作者

志太祖受周禪凡州府軍監一百三十九縣六百六十  
一戶九十六萬七千三百五十三建隆四年荆南來朝  
得州府三縣十七是年平湖南得州十五監一縣六十

六乾德三年平蜀得州府四十六縣二百四十開寶四年平廣南得州六十縣二百十四八年平江南得州十九軍三縣一百八太平興國二年八月盡罷天下節鎮所領支郡三年陳洪進獻地得州二縣十四是年錢俶獻所管得州十三軍一縣八十六四年平太原得州十軍一縣四十一是年李繼捧來朝得州四縣八天下凡十八路州府軍監三百二十二縣一千二百六十二東西六千四百八十五里南北一萬一千六百二十里

兩朝

志州府軍監自至道中折為十五路其後稍增三路至仁宗初有路十八云云地東南皆至于海西盡巴樊北際中山東西云云治平四年府建隆迄治平一百四年

州軍監增者五縣損者五十三

地理無太增損熙寧始務開拓未及改元种諤先取綏州韓絳繼取銀州王韶取熙河章惇取懿洽謝景溫取徽誠熊本取南平郭逵取廣源最後李憲取蘭州沈括取葭蘆等四寨紹聖三年秋迄元符二年冬陝西河東建州一軍二關三城九寨二十八堡十又取青唐邈川寧塞龍支等城崇寧取湟鄯等三州二十餘壘迄于重



和建州軍不可勝紀最後建燕山雲中兩路

祥符山川城寨圖

三年四月先是曹瑋張宗貴上涇原環慶兩路州軍山川城寨圖已未上出以示王欽若等曰處置得宜儲備詳悉華夷山川城郭險固出入戰守之要盡在是矣宜令別繪二圖用樞密印一付本路一留密院令諸將按圖以計事嘉祐四年十二月乙亥知麟州王慶民上麟府二州圖

天禧南京圖

應天府藝祖肇基之地祥符七年建南京詔即衙城為  
大內正殿以歸德為名雖降圖營建而實未嘗行天禧  
中王曾為守請減省舊制別為圖以進亦但報聞其後  
僅修祥輝崇禮二門而已元豐間蘇頌自南京還朝請  
以曾奏先修歸德一殿約為屋百間神宗亦未暇也惟  
正門以真宗觀醵賜名重熙頒慶樓猶是雙門未嘗改

作

葉夢得  
燕語

康定聚米圖經

康定二年二月十日殿直趙珣上聚米圖經五卷珣隨其父振在西邊訪五路徼外山川邑居道里凡地之利害究其實作為此書韓琦薦之詔取其書并召之珣又上五陣圖兵事十餘篇帝給步騎使按陣既成臨觀之宰輔奏用兵以來策士之言以萬數無如珣者慶厯元年五月戊午以為陝西巡檢使授兵萬人賜御鎧仗

書目

卷同  
西邊地形圖進

皇祐方域圖志

三年七月己巳

二十一日

知制誥王洙直集賢院掌禹錫上

新修地理圖五十卷

國史志三卷

圖繪要覽一卷詔賜名皇

祐方域圖志

會要云九域志云圖記

至和元年十二月庚子洙

禹錫上皇祐方域續圖

嘉祐益部方物畧記圖贊

宋祁序曰嘉祐建元之明年來領州得東陽沈立所錄  
劔南風物三十八種按名索實尚未之盡逮詢西人又

益數十物列而圖之物為之贊更名益部方物畧記

裨風土聚丘之一

禽品五獸品三鱗品六蟲品一木品  
六竹品九果品八上卷茶品一花品

十七藥品五草品

六藥品九下卷

范成大桂海虞衡志三卷馮拯

禹紀異五卷

三十門  
三百事

元祐職方圖 天下州縣圖

三年四月己卯詔諸路及州各具圖開析建立沿革城

壁吏員戶口貢賦山川地里上職方 熙寧九年八月

六日三司使沈括言天下州府軍監縣鎮圖其間未全


具先曾別編次一本稍加精詳欲再於職方借圖經地圖等圖草躬親編修從之 元祐三年八月丙子沈括賜絹百匹以括上編修天下州縣圖故也 書目交廣圖一卷熙寧中上以二廣邊機利害二十五條及邕州溪洞交洞圖三本并交趾迹狀上之圖今缺不知作者至道元年府州折御卿大破契丹圖山川地形以按視焉三月內臣楊守斌以地圖來上帝閱視久之 嘉祐二年正月壬午詔以河東地界圖示契丹使蕭扈

嘉祐五年歐陽修為樞副與曾公亮考天下兵數及三路屯戍多少地理遠近更為圖籍凡邊防久闕屯戍者必加蒐補六年修在政府凡兵民官吏財利之要中書所當知者集為總目 元豐六年七月壬申知延州劉昌祚以鄜延邊面東自義合西至德靜綿亘七百里堡寨疎密不齊烽燧不相應乃立為定式凡耕墾訓練戰守屯戍度强弱分地望圖山川形勢上之上嘉納 舊有西界對境圖自興師西討諸處所奏異同元豐五年

六月己未詔畫五路都對境圖

乾德道德殿華夷圖

見殿類 黃裳作輿地圖以木為之





玉海卷十四